




FAQ

(često postavljana pitanja u vezi verifikacije dokumenata za online upis na Univerzitet u Sarajevu)

- Dodatna objašnjenja za komisije fakulteta/akademija -**



1. Rubrika "PREDNOSTI"

- U ovu rubriku kandidati dodaju sve dokumente na osnovu kojih mogu ostvariti prednost pri upisu ili oslobađanje od školarine.
- **Kandidati iz Kantona Sarajevo**, da bi bili oslobođeni, u ovu rubriku **moraju dodati Potvrdu o pripadnosti posebnoj kategoriji** (najčešće je automatski dodaje EMIS) i **CIPS-potvrdu** o prebivalištu u KS. Napomena: pravo na oslobađanje ostvaruju kandidati do navršenih 26 godina života. **Kandidati iz drugih kantona** u ovu rubriku dodaju samo **POTVRDU**. Ukoliko kandidat iz drugog kantona doda i CIPS potvrdu, komisija je obavezna provjeriti mjesto prebivališta. Ukoliko kandidat nema prebivalište u Kantonu Sarajevo, potrebno je kontaktirati kandidata i tražiti uklanjanje CIPS potvrde iz sistema. U suprotnom, sistem može kandidata pogrešno označiti kao oslobođenog od školarine. Također, ukoliko kandidat doda samo CIPS ili samo Potvrdu, sistem ga neće označiti zvjezdicom kao kandidata oslobođenog od školarine. Komisije su obavezne provjeriti da **naziv dokumenta** odgovara stvarno priloženom dokumentu. Dešavali su se slučajevi da kandidat iz Kantona Sarajevo pravilno doda Potvrdu i CIPS, ali CIPS označi pogrešnim nazivom dokumenta (npr. „Djeca ratnih vojnih invalida“). U tom slučaju sistem neće prepoznati CIPS dokument i kandidat neće biti označen kao oslobođen od školarine. Komisije moraju voditi računa da **svaki dodani dokument mora odgovarati nazivu**.

2. Rubrika "TAKMIČENJA"

- U ovu rubriku kandidati dodaju sve diplome sa srednjoškolskih takmičenja. Komisije će verificirati kao značajne samo one diplome koje je kandidat dobio iz predmeta od značaja za taj studij ili studijski program.
- Diplome mogu biti sa općinskog, kantonalnog i državnog takmičenja.
- U pojedinim gradovima u BiH ne održavaju se općinska takmičenja zbog specifične organizacije školskog sistema. U tim slučajevima školska takmičenja mogu se tretirati kao općinska ukoliko omogućavaju plasman na viši nivo takmičenja. Za određene gradove već postoje potvrde da se školska takmičenja mogu tretirati kao općinska (kao što su: Tešanj, Vareš, Olovo, Jablanica, Prozor-Rama, Foča, Gornji Vakuf).
- Kandidati koji su završili školu po međunarodnim programima, u rubriku takmičenja dodaju **Potvrde o predviđenim ocjenama, odnosno diplome sa eksterne mature**. Za ove programe je bitno da Komisija verifikuje samo one ocjene koje su bitne za studijski program koji je kandidat odabrao. Bitno je napomenuti da se kod ovih programa ne boduju niti označavaju bitnim: certifikati ili diplome iz prvog, drugog ili trećeg razreda ili polugodišta. Dakle, bitne su samo ocjene sa eksterne mature ili predviđene ocjene (forecast grades), kako bi kandidat dobio dodatne bodove. Nekada je potrebno sačekati izvjesno vrijeme da škola unese predviđene ocjene jer ih kandidati kasno dobiju (sredinom ili krajem juna mjeseca), neophodno je kontaktirati

i kandidata ukoliko je u mogućnosti da pozove školu da u što skorije vrijeme doda ovaj dokument.

3. Rubrika "DOKUMENTI"

- U ovu rubriku kandidati dodaju:
 - Diplomu
 - Izvod iz MKR
 - Uvjerenje o državljanstvu
 - Uplatnicu za polaganje prijemnog ispita (ukoliko je isti predviđen)
 - Potvrdu da je pokrenut postupak nostrifikacije/ili Rješenje
 - Potvrdu da je dijete bez roditelja i CIPS
 - Izjavu o saglasnosti za upis isključivo kao stranog državljanina bez mogućnosti finansiranja od strane Osnivača KS (kandidati koji dolaze iz država koje su nastale raspadom SFRJ).
 - Potvrdu o poznavanju b/h/s jezika (za strance) ili Potvrdu o poznavanju engleskog jezika (za programe na engleskom jeziku)
- Za ovu rubriku je posebno bitno kod članica koje organiziraju prijemne ispite, **da verifikuju uplatnicu za polaganje prijemnog ispita**, a ne uplatnicu za pripremu nastavu. Samo kandidati sa verificiranom uplatom za prijemni ispit bit će evidentirani na spisku za polaganje prijemnog ispita.

4. Rubrika "USPJEH"

- U ovu rubriku kandidati dodaju sva svjedočanstva završenih razreda srednje škole. Sve ocjene moraju biti unesene redosljedom iz svjedočanstva. U slučaju da ocjena nije tačno unesena ili slabo vodljiva, komisija će odbiti dokument uz razlog „netačna ocjena“ (ili druge ponuđene opcije). Nakon što kandidat izvrši ispravku, komisija je obavezna ponovo verificirati dokument.
- Kod ove rubrike su specifični kandidati sa Kosova gdje su registrirane samo trogodišnje srednje škole, iako kandidati imaju Rješenje Ministarstva za odgoj i obrazovanje KS da je njihova diploma priznata kao naša četverogodišnja Opća Gimnazija, sistem im onemogućava da završe prijavu, zbog nedostatka jednog svjedočanstva. Komisije su obavezne obavijestiti ove kandidate da dodaju tri svjedočanstva, a umjesto četvrtog svjedočanstva da dodaju Rješenje/Potvrdu Ministarstva za odgoj i obrazovanje KS, upišu jednu ocjenu u četvrti razred, zatim će komisija ili kandidat kontaktirati tehničku podršku u UTIC-u, kako bi se kandidatima sa Kosova omogućilo da završe prijavu na željeni fakultet.

Ovo pravilo se primjenjuje i na druge kandidate sa trogodišnjim školama kojima je diploma priznata kao ekvivalent četverogodišnjem obrazovanju u BiH.

➤ OSTALE NAPOMENE ZA KOMISIJE

- Ukoliko je kandidatu ostavljen komentar da dopuni ili izmijeni dokumentaciju, kandidat se neće naći na rang listama iako je izmijenio dokumentaciju, sve dok ponovo dodani dokument ne verificira komisije te nakon toga **OBRIŠE KOMENTAR!**
- Kandidat koji je dodao uplatnicu za pripremnu nastavu umjesto uplatnice za prijemni ispit **NEĆE SE NAĆI NA LISTAMA ZA PRIJEMNI ISPIT!**
- Kandidati iz drugih kantona koji su dodali samo CIPS ili samo potvrdu, **NEĆE BITI OZNAČENI ZVJEZDICOM** kao da je oslobođeni školarine - ove kandidate je potrebno kontaktirati na uklone CIPS.
- Kandidati iz KS moraju imati i potvrdu i CIPS da bi bili oslobođeni troškova školarine.
- Kandidati strani državljani se kroz sistem registruju putem engleske verzije sistema (Registration)!

Kandidati sa drugačijim sistemom ocjenjivanja trebaju označiti opciju za konverziju ocjena kako bi sistem izvršio preračun na bh. sistem ocjenjivanja.

- Dokaz o poznavanju engleskog jezika određuju članice - za neke članice je to Certifikat a za druge članice - ocjena iz srednje škole i sl.
- Ukoliko komisija primijeti da je druga komisija verificirala pogrešan dokument, potrebno je putem podrše sistema poslati zahtjev kako bi se verifikacija poništila.
- Dokumenti koje kandidat dodaje putem sistema (izvod iz MKR, Uvjerenje o državljanstvu) mogu biti stariji od 6 mjeseci. Fakultet/akademija može na web stranicu staviti obavijest da se prilikom upisa donesu dokumenti koji nisu stariji od 6 mjeseci.
- Za kandidate posebne kategorije (djecu RVI, dobitnika priznanja, šehida) potrebno je provjeriti godine starosti kandidata. Prema Zakonu o izmjenama i dopunama Zakona o visokom obrazovanju (Službene novine KS, broj: 28/25), kandidati „posebne kategorije“ sa navršениh 26 godina, neće biti oslobođeni troškova školarine.